

北斗二十八宿醮祭日月特法

老君曰夫修道之人行醮祭五十君法皆須

依科儀行用月日時明良科曰春正月有本

命日秋七月有本命日冬十月中有本命日

夜可二更時星月明朗以為上如每即移歸

屋下作壇黃土布地為壇隨地闊狹長短四

直而為之明數十燈照壇如月星之意也後

聖君告天師曰卿欲祭醮道法錄中將軍吏

兵仙靈官並太一二儀三元四時五行六甲

七星二十八宿等皆於此春秋冬孟之月而

取本命日或揀吉日與命相合利之日當以

晴明為上風雷雲雨星宿不見日者是凶卿

前赴日定恐其夜風雨雲暗者以曠地紀順

例及三通天網順例及三通祀散為高步三

步九躡配衣紉指雲雨之處應時有開捻訣

在火刀支左手第二指第三節右邊呪曰吾

欲修行醮醮五斗三十五星某日是吾本命

日即仰雲收雨靜風晴七曜明明息急如律

令須臾即晴此法秘要勿妄傳其非人妄為

天地責罪罪及於師也日與命相宜利者為

上不利者凶不可用凡取日者一年之中取

三本命日春正月秋七月冬十月此三月中

得日為上餘月為之妄行不依科儀却被天

地責罪後聖君曰若實有疾病人命若風燭

者任覓吉日潛自身為之祭醮如自身不能

進友及師如無夫為婦婦為夫子為父父為

子總得外人不得妄為恐玉皇知此十君為

之得罪也此斗尊嚴及七宿官者是女身不

得往看視禮拜如看之者此斗君大忌之皆

身受主考官中口舌短促算命不得其死慎

之如不能師弟父子任為天師具撰一元中

也本命日醮此斗及二十八宿儀圖述之於

此書中

金鎖流珠引卷之二十一

金鎖流珠引卷之二十二

薛二

中華仙人李淳風注

醮七星二十八宿法

餅果十一盤餅子須新潔果子取棗栗時新

酒樽杓各二杯四十五鹿脯四十五椽

脯安果梓香爐三具鹽鼓各一梓燈八盞各

安菓上三台三盤九杯一燈九兩脯作一椽

茶十片熟十四盞席八領銀錢二千二百貫

或只醮即不用小經案一面安置訖即解穢

如法步至壇如常法起平立

先叩齒一十二通小醮若三十六通

著大醮

次發爐

太上玄元五靈老若當召功曹使者左右龍

虎君捧香使者三一正神速上關啓

三天玄元太上老君今正爾燒香列案設

醮行道願得

太上十方正具生炁來降身中為人醮即

某人臣等所啓速達還御

至真无極玉皇上帝九前畢乃平坐

次三上酒

次讀醮儀

次思存見將軍吏兵一半從天門西

北來赴醮筵座一半從額間出赴醮

泰玄都云臣則云今於某處奉設醮禮

謹上請北斗七星尊神君再拜

謹請貪狼陽明星尊神君

謹請巨門陰精星尊神君

謹請祿存真人星尊神君

謹請末回玄冥星尊神君

謹請廉貞丹元星尊神君

謹請武曲北極星尊神君

謹請破軍天關星尊神君

謹請三台星神君

謹請東方七宿角亢氐房心尾箕星官

謹請北方七宿斗牛女虛危室壁星官

謹請西方七宿奎婁胃昂畢觜參星官

謹請南方七宿井鬼柳星張翼軫星官

所請星宿神官及司命君司錄君解厄君解

刑君消災君散禍君具官來下臨饗醮禮
恭稽首再拜因伏席思請神降在座上三上酒上香

次長跪曰

臣某謹上啓

北斗七星真人府君尊神及諸星官臣某肉

人庸微叨預道悉得居榮祿久積歲年今年

若干歲某月某日生本命胎蒸不知善惡行

年支干不測吉凶幸蒙冥祐以至今日但為

形神衰弊疹疾侵染魂魄不寧夢寐虛妄或

前身宿業今身以來積值凶言之氣多處刑

殺之中致有四殺兼并五刑交集三五五墓

天年歲殺懸尸六害孤辰寡宿九宮八卦絕

命刑禍天羅所纏地網所繞深恐身命不能

保全自非玄恩拯拔莫之得免臣某歸心至

誠啓祈恩福輒管醮禮仰希照納伏惟

七星北斗中真人及某所屬某等星尊神

歆納薄禮昭允誠請臣某稽首再拜三上酒

上香

臣某謹上啓北斗星君一切尊神臣某如為

人無即稱彼人名立身以來心跡愆過或違
禮教或多傷殺為四司所糾三官所罰書記
罪名日加深重因今醮謝輒乞哀原伏惟

北斗七星尊神二十八宿三十五星官司命

君司錄君解厄君解刑君消災君散禍君一

切諸神君為某上消天災下滅地禍調理陰

陽改易凶咎解除年命厄會三五刑尅非災

橫禍官私口舌惡人凶鬼乞蒙道炁常保貞

吉臣某稽首再拜三上酒上香

臣某謹上啓斗星天宿閣座威靈臣凡愚不

闕儀軌陳詞誼雜犯忤威靈千罪萬過並希

矜恕唯乞長生久視臣某乙謹稽首再拜奉

送伏席思神忽然上昇

次讀內神呪曰

臣設醮事訖向所出身中將吏功曹使者

一切諸官君各從衆妙門而入在左還左在

右還右各還官室纏身繞骨彌綸天地經術

百脉無令錯互須召復出一如故事

次起把取章函誦復爐呪三

香官使者左右龍虎君侍香諸靈官當令臣

此設醮之所自然生金液丹碧芝英泉真百靈交會在此香火爐前當令臣學道得道求仙得仙舉家受福天下蒙恩十方仙童王女侍衛香煙傳奏所言徑詣

至真無極玉皇大帝御前然四散酒食即手把取簡起退步還從東南角出先右脚踏著履揮辭壇

次呪曰

出陰入陽萬事開通關啓事竟各備仙官訖任意東西當房宅內十二之神門丞戶尉宅舍將軍井竈之神普同歡饗與臣羅列鎮守房宅使災不過門疫不過戶邪精鬼賊莫敢當向大道盟威正一秘法事在不輕若守鎮有功與福助善三會吉日同章舉遷不得懈怠依法彈糾一如天師律令散酒食如忽有急切及疾病事須祈解不可待本命即用此日注此不寫已有在無本命係第二卷同

雜使天關助國安家護身出災度厄
救人濟物衆法

太上老君曰夫志人凡志人學道常以切心

謹慎師事於師視師顏色常恐師不教妙用之法訣得訣志若穿石不移習不休轉尚年深至誠不違謂之志心取道道不負人今人有口無心用心不真非道無神修學志道生明驅使七星北斗之法法以助國安家護身

救人濟物通神是以萬兵不能執百鬼不能欺千災自滅萬禍敢為入水入火不溺不燒驚畏之地莫測心皆預知通靈通神成仙無疑所願皆得志人不為夫志人心切慕道不為諸法除救人疾病之外不行後聖君曰大道之使者莫過於中斗也下界人呼為北斗是有九星不見二星常在斗中一星名帝尊是天地罰惡記善萬星之主經云中斗九星二星不見一星主天地之星使應大道名曰帝尊但九野中星除五行六甲大星之外總

帝道君以善功立數遷階進品祿非獨長生仙人世之官將人民皆所主也若有凶惡祿逆之罪亦主之即令天關使隨罪輕重貶殺之也天關者上將也一星名玉帝君上主關奏啓太上無極大道玉皇大帝大道君也故衆官呼為玉帝星君主前注說老君曰夫欲轉天關伐凶逆助國安人之法先帶入兵虎符入靖室中以躡地紀順倒反三遍飛天綱三遍順則反三遍也訖下網散為萬步三步九跡又反為十二步又再為十五步足下網配衣左手把出軍符轉天關九指有逆國賊之方賊衆大呼其賊名近則呼聲小及人多亦如之即呪曰

惡逆某乙為賊逆君妄集妖群盜劫財物損殺平人太上不許大惡大賤令勅消轉斗關津三度九指殺滅某賊群一切禁制口令傳臣命臣行法轉斗攝殺急急如律令捨刀支訣訣隨五方算東來木人刀支云云一日之中三度指不逾百日自敗此法甚驗妙昔黃石公用數太公姜子牙用之甚驗太公後不

傳此法有訣訣在後注中老君曰人者是五行所生六甲始運有盛衰盛則南斗所主衰則北斗所主南斗六星故曰六甲北斗七星故曰七宿南斗主生北斗主死故曰生死屬

二斗所管也若人犯惡非違便北斗所轉天

指也人之衰盛皆屬二斗所察若造惡惡貫

已滿天必誅之則南斗落名北斗斬形人造惡皆是北斗之所殺也今若有五惡反道背

師反君背父如此之者天早自知更有志善之人為國君為師父收凶逆滅祿惡行正道

安人物其功可大可久太上喜之上補仙官

同治十天之任位登上清太真之位餘行用救身家約此行用符術前法

老君告司命隸君曰上古司命是隸君非後

隸君也今隸君替是此君位也中斗與南斗

北斗此三斗性直不愛無故七亂啓告求福

反招其禍學道之人須內自知之為上昔有志學之人郭馨子日夜燒香禮念北斗不絕如此一七年被北斗君違責之曰我北斗是糾察之官也正直行法一日一夜迴迴九天

若有星宿有罪有善我皆先知然始奏於上帝帝勅物天使仙官聽察糾司惡行不正倫黨之事我等九司常懼罪及於已汝是何人如許凡惡夜夜燒香公天啓於我等求覓何物令我九星之眾交見不安今見上動五行

下驚二十八宿總來問我此人無事妄以淫亂天司糾察何不前殺而後奏我諫汝是凡下不曉之故不是故行毒心所有聲子再拜

謝之聲子死罪之有餘將以燒香供奉斗君求免功德及長生之福不知反招其罪但以

拜謝死不取辭仁恐罪及於上仙北斗上真君曰此是汝招罪有三一入妄無故無疾病

厄難求告天關令轉關使者喚責何人何物二常燒香遙禮北斗斗君恐被辰星所糾糾

舉我即入通人私受之罪三北斗女星君是

女性以沉重靜而清潔難犯犯觸枉殺子身

及北斗帝尊君玉帝君此二星性直難犯今

且放汝歸輒更勿為聲子得放再活早死經五日親友問故都更不言後書於醮七星及

二十八宿文儀中今後人不為如有急難被

賊圍宅縣官口舌及病重啓告啓告訖步網躡紀轉天關消之無妨甚有應驗速於水火後聖君告大王君曰中斗北斗有急難之心求救有應妄白禍生具前注說夫修至道心人先以助國濟人物以為上如國不清有妖

氣也人不安道不行行道不能如此用心即非志道心之人此亦是老君言也昔伏羲子

是伏羲之小弟也學道得仙學在人間取小竹排以吹之學鳳聲今之笙也有仙人下看

看訖告夏子曰汝有兵厄也夏子起再拜而請問出兵厄之法仙人曰汝可以龍迴龍迴

是今躡地紀法之步也虎跳是今之飛網之步也出陣心思破陣出引星即今之配衣也

轉殺於指指之即今之轉天關是也而從基向壞基者即今之日月建地也壞者即今之

日破地是也兵家算孤虛之法相似此地甚有應驗之極上古神人悉皆用也擊出得之

子既得出後以此法救急難有道之人老君曰道友及內親被賊圍繞欲殺者如有計

救得者可以於行中躡地紀之勢順倒反三

遍訖配衣轉天關九度指之又把入兵符指也檢賊某命人刀支刀支者東來木人刀支南來火人刀支西來金人刀支北來水人刀支四季上來者土人刀支辰戌丑未為四季夫捨刀支以當手自捨訖又以隨色塗之木刀支以金白色塗之金刀支以火赤色塗之木刀支以土黃色塗之火刀支以水黑色塗之土刀支以木青色塗之訖更取出兵符遙指之九度須臾賊心自退解圍而去不損彼反親若不肯解圍去者陰軍擊之自相反相誅相害而死盡此法微妙秘要非人勿令見示後聖君告天師曰此法入軍入軍助國救人出軍救友及己身也有符虎玉符也以金銅為之方二寸或一寸半今本師度初後錦袋盛之求不得人見唯得四人見一本師保舉師如保舉師遙克保舉度時不見後亦求不得見二則君受臣臣受君三父受子子受父得見四則夫妻得看餘人求不得看但是道友內親欲帶治病但重重封之與病人帶之病主差若病人偷看病印立發發直至死

也出軍出軍者自身領兵被圍家破彼陣出須繫符在肘有符白虎破強陣符也亦金銅為之方一寸半行用法款同前符注皆以金銅鑄繫之左肘入軍符左出軍符右右肘并武禁制加臨相助必獲已勝彼弱敗如山大驗非人勿令見視老君曰昔西胡有大國王好道吾今學胡仙改號為佛佛是仙之別名也胡呼為佛四國不伏各擁強兵四十萬人來圍遠此國城數重中王乞解放不肯此王正心思存吾於空中見念吾求救吾以躡地紀散輝馬步轉關指之三度即走出軍一符往胡王案上胡王見帶符在手肘後開國門與戰與此王戰者皆自仰倒兵眾大敗被城中兵殺之須臾之間天地大曠雷風震天動地白雨連殺四天軍軍及王各散走歸國不失其位故知符力之聖者莫過於此慎勿令非人見視見視彼此被考天大威之即死事非輕小慎之慎之

言赤章助國伐賊法

太上老君曰救者助國之功救國之難國王

帝主差大臣攻伐逆賊却被賊圍者夫是掌法志道之人與國救之上赤章使天兵轉天關救之速於水火之急得國強賊退兩不損傷為上若彼賊強梁不伏奏上天公今呼天公為玉皇上帝書言罪此是為天施功功大天不伐曠殺之罪著為赦人之陰功也安養人物此天大喜與計陰功後聖言改書為赤章章奏及臣章言

泰玄都云云

上言謹按文書某州縣某人云云言某乙為

某事及今國命某臣云云某乙為將將統兵若干萬兵馬往某州界伐某賊眾若干萬恐彼眾強逆壯麤勃故殺平人應當拒敵兇強不受收伏今某却被所圍在某城營中不得出恐命被誅立存須臾求救命上請天兵伏願下九天大威神兵大將軍九人兵士九十萬人一合下與錄兵九千萬人攝九地社廟神兵九千萬眾陰中布陣行立聞賊某乙陽兵發角打鼓即聲中發兵助伐彼賊其眾兇熾之徒一時令崩如山領倒粉碎

一云石神砂崩鹿走歸伏開路與某將軍兵
衆出生又請白虎符將吏一萬九千人能伏
衆兵威動天震地力可拔山竭海與某助
某將軍擊伐某賊云云後聖君告天師曰卿
須以意想他是反君主即可如非不可慎之

勿妄下此兵權罪及卿已老君曰大道無不
可用心即行但人心自以量測可否不得
妄為夫與志親志道友之人欲上此章即須
前量上章人身及己身無過乃可與上如上
章人有過傍人似無過亦不得及已更有過

此是二人自告天言罪損身立即須更弟子
反師師却奏靈官章此章本在大章儀中具
載今更再書於此引中主降伏弟子及俗惡
人孤恩負道却奏靈官請解章使復病如初
章雜章儀有此更不寫已具其口

發符檄制止三官中凶惡為祟害人
物等法天地水三官之中有凶惡凶
人神龍鬼精妖等是

老君曰告天頭禁師羅文能強姓羅文名能
強曰夫人者三才之數除天地之外以人為

貴萬物之尊莫不以重其身而安養其性當
思道法常衛身命存師想道存金錄之師金
錄師即金鎖流珠度師是也想金錄之道金
錄後聖改為金鎖流珠是也上古真人重金
錄之符等金符度師也出金錄之神兵咄叱

鬼神走檄符常救命此即是吾弟子也是道
玄孫符檄衛已衛人取功甚易後當得道為
上等真人不從聲聲是經誦聲讚修齋金道
默道之聲是也像像是在尊嚴容像宮觀神
廟之尊皆為像教也能得老君曰聲像是人

間之善以訓小童蒙小人之初門令其小兒
心起志善善中漸以長成即知有道故名聲
像起善心之教教而精學又而無所獲為心
不及若能弄有為之言及心更入至道修行
不言之教速服陰功精而行即得入無為之

德而成道吾道皆行陰德潛著陰功滿道
成吾此道輪轉年劫數滿皆以因師見遇得
受此書受後勿妄傳非人世有賢達信金玉
而傳老君告善行真人言曰如志人傳志教
人賢無信以將心為信志若好樂便與傳之

而師共弟子眾辦信供乃曰告天而付授之
勿絕上天之道也賢而無財師弟共辦而傳
不可無信不傳不可有財實非賢達人受財
妄傳師弟俱死被天責泄露天寶之罪也慎
之慎之

金鎖流珠引卷之二十二

解二

十三